

*Diagnoses praeviewe Pemptadis stirpium aethiopicarum  
novarum.*

auctore Dr. Ed. Fenzl.

*Lamprodithyros Russeggeri. (Commelinaceae<sup>1)</sup>.*

Caulis simplex v. ramosus, hinc minutissime puberulus. Folia sessilia, lanceolato-linearia, utrinque utplurimum attenuata, supra marginibusque omnino, subtus ad nervos solum seberrima; vaginis ore piloso-ciliatis, caeterum seabrido-puberulis, sparsimque passim pilosulis. Thyrsus ovoides densus, cincinis 7—2-floris simplicissimis (7—3 lin. lg.) patulis rectis v. sursum arcuatis compositus, rhachi primaria secundariisque cum calyce minutissime puberulis. Flores ex apice pedicellorum, his longiorum, nutantes (2—1½ lin. lg.), sepalis ovalibus obtusis; petalis binis anticus calyce dimidio v. subduplo longioribus, orbicularibus unguiculatis, coeruleis, impari postico subminore obovato naviculari. Stamina 5—6; postica tria longiora fertilia, intermedii filamento glaberrimo, lateralium filamentis circa medium minutissime puberulis, cum antheris coerulescentibus; antica tria sterilia, cum antheris aurea, glaberrima, intermedio (quandoque deficiente) reliquis breviore. Capsula ovali-oblonga, vertice rotundato, nec emarginato, subinde sparsim puberula, abortu ovuli unius alteriusve saepe 3—1-sperma. Semina ovalia, ventre plano sulco exarata, rapha nigra, papilla embryotega marginali.

Var.  $\alpha$ . simplex: Caule palmarie simplicissimo, foliis confertioribus, basi haud attenuatis, inflorescentia densius albido-puberula.

Hab. in Aethiopiae terra Nubanorum, in sylvis prope Scheibun (Russegger).

Var.  $\beta$ . ramosa: Caulibus ramosis adscendentibus, foliis remotis, basi attenuatis, longioribus 4½—3 poll., inflorescentia sparsius puberula.

<sup>1)</sup> Characterem generis, a cl. Hasskarl propositi, vide in Peters Reise in Mozambique p. 329; ej. in Flora 1863. p. 388. magisque auctum (generis innominati v. Aneitematis sectionis propriae) a cl. Bentham in Hook. Niger Flora p. 346.